

Vijeće nacionalnih manjina BiH prihvatilo godišnji izvještaj o radu

Predsjedavajući Vijeća nacionalnih manjina BiH, Tihomir Knežiček, pripremio je godišnji izvještaj o radu Vijeća, koji je analiziran i prihvaćen na 5. sjednici Vijeća, održanoj 27.2.2014. Izvještaj o radu za 2013. godinu možete pogledati [OVDJE](#).

Sjećanje na Segat Josipa



Član italijanske obitelji Segat, Josip Segat je preminuo 16.11.2013. godine u Njemačkoj. Rođen je u Kaknju 31.8.1938. godine. Završio je školu učenika u privredi u Tuzli (metalske struke), i otišao da radi i živi u Njemačku godine 1969. gdje je ostao do smrti. Sahranjen je u Tuzli 23.11.2013. na gradskom groblju Borić.

Ostaju sjećanja na Josipa zvanog Copan, rukometnog golmana - njegova kćerka Marija, brat Karlo (dugogodišnji predsjednik udruženja Trentina Tuzla) i ostali članovi obitelji.

Sjećanje na Antu Zamboni



Anto Zamboni, sin Ferdinanda i Milade, rođen je u Bukinju 20.6.1931. godine.

Radio je kao stolar i konduker u autobusu gradskog saobraćajnog preduzeća. Stanovao je u Donjoj Koloni, a kasnije u Slavinovićima.

Umro je kao stanovnik Doma penzionera u Tuzli dana 6.12.2013. godine. Anto će ostati u sjećanjima svojih sinova Bore i Darka, brata i ostalih Zambonija.

Franjo Rover imenovan za koordinadora klubova Trentina



Shodno statutarnim promjenama organizacije Trentini nel mondo, provedena je inicijativa imenovanja koordinadora klubova Trentina po regijama u kojima djeluju klubovi Trentina. Više od godinu dana trajao je proces izbora koordinadora, a izbor je nastao na osnovu prijedloga za koordinadora koje su dostavljali klubovi Trentina. Raniji dogovori predstavnika klubova iz Sarajeva, Štivora i Tuzle rezultovali su jedinstvenim prijedlogom da koordinador za BiH (i Srbija i Rumunija) bude Franjo Rover koji ispunjava sve uslove za imenovanje.

Trentini nel mondo je završio proces imenovanja koordinadora i poslao obavijest ([ovdje](#) možete pročitati) o izboru. Franjo Rover je koordinador za BiH, Srbiju, Rumuniju i Ukrajinu. Biografija Franje Rovera je [ovdje](#).

**Željko Mott i Tibor Kovačević (Zamboni) učestvovali na seminaru u Comano Terme -
Provincia Trentino, Italija, od 25.10. do 27.10.2013. godine**

**Seminar na temu MIGRACIJA, MOBILNOST I PRAVA RADNIKA U SOCIJALNOM DIJALOGU,
održan je u Comano Termama- Provincia Trentino od 25.10.do 27.10.2013. godine u
organizaciji UNAIE-Nacionalni savez udruga imigracije – emigracije, EZE - Evropski centar
za pitanja zaposlenja, i kao domaćin ASSOCIAZIONE Trentini nel Mondo. Na seminaru su
bili učesnici iz Italije, Njemačke, Engleske, Švedske, Rumunije, Belgije, Slovačke,
Francuske, i BiH. [\[VIŠE\]](#)**

VAŽNA OBAVIJEST ZA GRAĐANE KOJI PRIMAJU ITALIJANSKU PENZIJU

Gentilissimi Responsabili delle Associazioni dei connazionali in Bosnia-Erzegovina,

**si vuole attirare la Vostra cortese attenzione sull'avvio della consueta operazione della
"Verifica di esistenza in vita dei pensionati all'estero" da parte dell'Istituto Nazionale della
Previdenza Sociale (INPS), tramite Citibank, che per quest'anno si svolgera a partire dal 1°
settembre 2013 fino al 31.12.2013, pregandoVi di dare ampia diffusione delle istruzioni
sotto descritte presso la collettività della vostra Associazione. [\[VIŠE\]](#)**

Tihomir Knežiček izabran za predsjedavajućeg Vijeća nacionalnih manjina u BiH



**Na konstituirajućoj sjednici Vijeća nacionalnih
manjina Bosne i Hercegovine, koju su 18.9.2013.
godine sazvali predsjedavajući oba doma
Parlamentarne skupštine BiH, Denis Bećirović i
Ognjen Tadić, za predsjedavajućeg Vijeća izabran
je Tihomir Knežiček, predstavnik italijanske
nacionalne manjine, predsjednik Udruženja
građana italijanskog porijekla "Rino Zandonai"
Tuzla, sveučilišni profesor. Za njegove zamjenike
jednoglavno su izabrani Andrija Svatok iz
Prnjavora, predstavnik ukrajinske nacionalne**

manjine, i Nada Putica iz Sarajeva, predstavnica crnogorske nacionalne manjine.

Poziv za sastanak Trentinskih klubova u Termama 25-27.10.2013.

		
Trento, 4 settembre 2013 prot.960 /7b		
Ai Presidenti Fed. Circoli Trentini d'Europa Coordinamento Germania Ai Presidenti Circoli Trentini d'Europa Ai Consulenti Europa Ai giovani trentini d'Europa		
Oggetto: invito al convegno EZA - UNAIE - ATnM, 25 - 27 ottobre 2013 "Migrations, mobilità e diritti dei lavoratori nel dialogo sociale" Grand Hotel Terme - Comano Terme (TN) www.ghicomanoterme.it		

KLIKNI NA SLIKU!

Prijedlog regionalnog koordinatora trentinskih klubova

Tri udruženja Italijana gdje djeluju klubovi Trentina u BiH (Sarajevo, Štivor i Tuzla) su dali prijedlog da se imenuje koordinator udruženja za područje BiH, Srbije i Rumunije. Svako udruženje je dalo svoj prijedlog, a ranije je dogovoreno da se podrži Franjo Rover iz Štivora za koordinatora regije. Takav će prijedlog biti upućen u Trentini nel mondo. Uslovi su bili da koordinator govori italijanski, da je aktivan u zajednici i u svom udruženju.

Završen obilazak kandidata za prijem fonda solidarnosti Trenta 5.9.2013.

Socijalna radnica Sanja Marković je uz pomoć Josipa Montibelera, člana Kluba Trentina udruženja, završila obilazak kandidata za primanje godišnje socijalne pomoći (fond solidarnosti Trenta). Kompletirala je 19 starih i dva nova socijalna kartona, a svi originalni dokumenti će biti upućeno u Trentini nel mondo vjerovatno u nedelju 8.9.2013. Zahvaljujemo Sanji i Josipu na dobro urađenom poslu. Nema informacije kad bi mogla biti isplata sredstava iz fonda solidarnosti za članove u Tuzli.

Otvaranje spomenika Trentinjanima u Mahovljanu 25.8.2013.

Asocijacija Trentinjana koji su doselili u Mahovljane (kod Laktaša - Banja Luka), pa se vratili u Italiju, organizovala je postavljanje spomenika u Mahovljanima u povodu 130 godina dolaska Italijana na prostore Bosne i Hercegovine u nedelju 25.8.2013. godine (od 11.00 sati). [\[VIŠE\]](#)

Istom prigodom će se održati vjerski obred uz prisustvo zvaničnika Italije i BiH. Članovi Udruženja "Rino Zandonai" Tuzla su pozvani da učestvuju, pa zainteresovani mogu da se jave predsjedniku udruženja do subote 24.8.2013. Nije organizovan prevoz. Ide veći broj članova autima pa oni koji nemaju prevoz mogu se prijaviti za mjesto u nekom od auta. Detalji o samom događaju su [ovdje](#).

Održan Dan italijanske kuhinje u Tuzli 2013.

U okviru manifestacije "Ljeto u Tuzli", po lijepom vremenu održan je Dan Italijanske kuhinje 27. jula 2013. godine. Udruženje "Rino Zandonai" i klub Trentina Tuzla po četvrti put organizuje Dan Italijanske kuhinje.

Manifestacija je održana u centru Tuzle, na malom trgu kod Meše i Ismeta u trajanju od 19. do 20.30. Koordinaciju kuhinje, kao i do sada, je vodila Gordana Segat, a učešće u manifestacije je uzelo 16 članica koje su radile na pripremi hrane, ali je mnogo veći broj članica bio uključen u sam tok manifestacije. Posebnu ulogu su o . . . [\[VIŠE\]](#)

Za sjećanja

Vrijedan član našeg Udruženja, Simala Petar, rođen 1938. godine u Tuzli, preminuo je 1.8.2013. godine u Tuzli.



Simala Petar ima porijeklo u obitelji Piccolotti, a bio je jedan od ključnih članova Udruženja Italijana u prvoj fazi djelovanja, kad je bio uključen u program podjele humanitarne pomoći koja je dolazila iz Italije. Poznat je bio kao inovator i vrstan majstor za plinske uređaje. Znalo se da u Tuzli jedino Simala može da popravi kvar na plinskom šporetu, grijalici, boci ili uređaju koji koristi plin. Živio je u kući sa svojom obitelji u Gornjoj Koloni - Miladije. Bolest je odnijela jedan zanimljiv život, jednu osobu koja je uvijek vrijedna pomena. I neka tako ostane u našim sjećanjima.

Dan Italijanske kuhinje u Tuzli 27. juli 2013. u 19.00



Po starom i lijepom običaju, udruženje Italijana "Rino Zandonai" Tuzla organizuje Dan Italijanske kuhinje u Tuzli 2013. Dan kuhinje je dio manifestacije "Ljeto u Tuzli 2013", a održava se 27. jula (subota) od 19.00 sati na trgu kod Meše i Ismeta.

Članice udruženja, ili osobe koje žele da ponude italijanska jela Tuzlacima, mogu kontaktirati Gordanu Segat - glavnu i odgovornu kuharicu, a njen telefon je 061 298 669. U realizaciji projekta pomogla je Općina Tuzla, i naš MENPROM.

Obzirom da imamo dovoljno sredstava da pokrijemo sve troškove manifestacije, nema potreba da se donatori javljaju za bilo koju vrstu podrške. Samo u izuzetnim slučajevima (ako donacija prelazi 100.000 KM) možete kontaktirati glavnu i odgovornu kuharicu.

Poziva Trentina nel mondo za dostavljanje plana aktivnosti za 2014. godinu

Trentini nel mondo su dostavili obavijest i obrasce za finansiranje aktivnosti udruženja u 2014. godini. U 2014. godini podržavaju aktivnosti koje realizuju udruženja/klubovi Trentina, kao i operativne troškove. Očekivano je da iznos podrške neće biti veći od 2000 EURa (ako podrške i bude).

U prilogu se nalaze, na engleskom, [obavijest](#) i [kriteriji za dodjelu granta](#). Ako članovi udruženja imaju prijedloge u pogledu zahtjeva za finansiranjem aktivnosti udruženja u 2014. mogu pozvati predsjednika udruženja, ili predsjednicu upravnog odbora, i ponuditi prijedlog.

FESTIVAL NACIONALNIH MANJINA OPŠTINE PRNJAVOR 3.8.2013.



Udruženje Italijana iz Štivora organizuje četvrti Festival nacionalnih manjina opštine Prnjavor. Festival se održava 3.8.2013, a sutradan je smotra folklor. Pozvani smo da budemo gosti festivala, kao što je to bilo i ranijih godina. Protekle tri godine su uvijek bili prisutni i predstavnici udruženja iz Tuzle, kao i predstavnici udruženja Italijana iz Banja Luke i Sarajeva. Ukoliko članovi udruženja u Tuzli žele da odu na festival, molim da

se prijave predsjedniku udruženja radi dogovora oko prevoza članova iz Tuzle.
KLIKNI NA SLIKU !

DAN ITALIJANSKE KUHINJE U TUZLI 2013.

Udruženje građana Rino Zandonai po četvrti put organizuje manifestaciju **DAN ITALIJANSKE KUHINJE U TUZLI.**

Ovogodišnja manifestacija će se održati **27.7.2013. (subota) u 19.00** na starom mjestu – mali trg kod Meše i Ismeta u Tuzli. *Općina Tuzla* je finansijski podržala organizaciju manifestacije sa **1.000 KM**, a tradicionalni važan donator *Menprom* Gornja Tuzla će, kao i u protekle tri godine, obezbijediti mesne proizvode potrebne za pripremu različitih jela. Koordinator aktivnosti, kao i do sada je **Gordana Segat** koju kontaktirajte na telefon **061 298 669.**

U okviru manifestacije "Ljeta u Tuzli 2013" planirano je održavanje ukupno **160** različitih manifestacija uglavnom kulturnog sadržaja.

Ove godine je došao poseban poziv Općine Tuzla da udruženje Rino Zandonai organizuje *Dan italijanske kuhinje*, i na taj način nastavi održavanje prepoznatljive manifestacije koja se održava u Tuzli.



MARIJA I ŽARKO MILADINOVIĆ DOBILI UNUKU LOREEN



Na svijet je došla Loreen, unuka Marije (Fontan) i Žarka Miladinovića. Loreen je rođena **28.5.2013.** u Beču sa **3,410 kg** i **51 cm** dužine. Čestitamo roditeljima Danijeli i Igoru Miladinović koji žive u Beču, a Loreen želimo da život provede u zadovoljstvu i sreći.

Tako se proširilo bogato genetsko krilo obitelji Fontan koja vodi porijeklo iz Siror-Primiero u provinciji Trento. Domenico i Maria (rođena Bancher) Fontan su stigli u

Tuzlu **1910.** godine i, evo i danas su u Tuzli, ali i drugim gradovima širom planete Zemlje.

Godišnji sastanak europskih klubova Trentina – Tenna, Italija 31.5. do 2.6.2013. (INCONTRO CIRCOLI TARENTINI DI EUROPA, TENNA, 31 MAGGIO – 1 – 2 GIUGNO 2013)

U Tenna, Italija, održan je redovni godišnji sastanak klubova Trentina u Europi. Pored predstavnika europskih klubova iz Belgije, Bosne i Hercegovine (Tuzla), Danske, Francuske, Njemačke, Rumunije i Švicarske, bili su prisutni i koordinatori klubova Trentina iz Meksika, Kanade, SAD, Urugvaja, Brazila i Čilea. Ispred udruženja Rino Zandonai Tuzla, skupu su prisustvovali Tihomir Knežiček i Željko Mott. [VIŠE ...](#)

Udruženje građana italijanskog porijekla – Sarajevo organizovalo okrugli sto na temu „Uloga i mjesto Italijana u kulturnom i gospodarskom razvoju Bosne i Hercegovine“.

U Sarajevu je dana 18. maja 2013. godine održan okrugli sto pod nazivom "Uloga i mjesto Italijana u kulturnom i gospodarskom razvoju Bosne i Hercegovine", kao dio programa obilježavanja 130 godina organizovanog dolaska Italijana u BiH. Program je vodio predsjednik sarajevskog udruženja Bruno Palestra. [VIŠE ...](#)

Nicole Pendić, 19 godišnja tuzlanka, traži obitelj u Italiji gdje može provesti godinu dana radi učenja jezika.



Nicole Pendić (Zamboni), 19 godišnja tuzlanka, koja je završila Katoličku gimnaziju u Tuzli prosječnom maksimalnom ocjenom 5.0, traži obitelj u Italiji gdje može provesti godinu dana kako bi savladala Italijanski jezik i kasnije upisala studije u Trentu. Spremna je da radi poslove za potrebe obitelji, u zamjenu za stanovanje i hranu, bez ikakve druge nadoknade.

Istovremeno, roditelji Nicole pozivaju mladu osobu iz Italije, koja želi studirati ili boraviti u Tuzli, da bude njihov gost čime će dobiti besplatan smještaj i druge pogodnosti u obiteljskom okruženju Penića u Tuzli. Molimo da oni koji mogu pomoći Nicole da je primi obitelj u Trentu ili negdje drugo u Italji, da kontaktiraju direktno Nicole na njen

email pendicniki@live.com ili telefon. Pismo Nicole Pentic možete pogledati [OVDJE](#).

Poziv za Skupštinu Udruženja i izvještaji o radu za 2012. godinu.



Pozivamo članove Udruženja na redovnu Godišnju Skupštinu udruženja koja će se održati 24. maja 2013. (petak) od 17.00 u prostorijama Udruženja u Miladijama.

[OVDJE](#) možete naći poziv i izvještaj o realizovanim aktivnostima tokom 2012. godine i finansijski izvještaj za 2012. godinu. [VIŠE ...](#)



Udruženje Italijana u Sarajevu obilježava 130 godina organizovanog dolaska Italijana u BiH i 20 godina od osnivanja udruženja - Sarajevo, 18. maj 2013. godine od 10.30. Detalji su [OVDJE](#). Zainteresovani za odlazak na skup u Sarajevo treba da se prijave predsjedniku udruženja Tihomiru Knežičeku.

Obilježavanje 20 godina djelovanja Udruženja Italijana u Tuzli i Redovna skupština Udruženja 24.5.2013.

Prvo udruženje Italijana u Tuzli osnovano je 8. maja 1993. godine u hotelu Tuzla, a ove, 2013. godine obilježava se 20 godina permanentnog djelovanja udruženja. Obilježavanje godišnjice će biti u petak 24.5.2013. godine od 17.00 sati u prostorijama Udruženja u Miladijama.

Isti dan će se održati i Redovna godišnja skupština . . . [VIŠE . . .](#)

Sastanak europskih klubova Trentina u Tenna (Italija) od 31.5. do 2.6.2013. godine

Redovni godišnji sastanak klubova Trentina u Europi ove godine održava se u Tenna, Italiji, od 31. maja do 2. juna 2013. Tema sastanka je prezentacija Statuta udruženja Trentini nel mondo, i prezentacija postignuća Trentinskih klubova u Europi.

Na sastanak mogu ići najviše tri osobe (od toga najmanje jedna mlada osoba od 18-35 godina). Učešće na sastanku se plaća 100 Eur za odrasle i 50 Eur za mlade osobe. Troškove prevoza snosi organizator, a iz Tuzle ide se autom. Zainteresovani Trentinjani . . . [VIŠE . . .](#)

Trentini nel mondo neće podržati rad Udruženja u 2013. godini

Trentini nel monda je poslao obavijest u kojem piše da nemaju dovoljno novca za sve aktivnosti koje su planirala 64 kluba Trentina u svijetu, tako da udruženje iz Tuzle neće dobiti nikakvu podršku za svoje aktivnosti u 2013.

Sve obaveze Udruženja iz ranijeg perioda prema Trentini nel mondo su izvršene, pa i više nego što je traženo. Još jednom ćemo pokušati [VIŠE . . .](#)

Tihomir Knežiček učestvovao na sastanku „Društveno-politička participacija nacionalnih manjina u BiH“



Okrugli sto na temu „Društveno-politička participacija nacionalnih manjina u BiH“ održan je u Sarajevu 31.1.2013. u organizaciji Vijeća nacionalnih manjina Kantona Sarajevo i Delegaciju EU u BiH. Na sastanku su učestvovali predstavnici EU, ambasada u BiH (uključujući i ambasadu Italije), predstavnici Vijeća nacionalnih manjina BiH, Vijeća nacionalnih manjina FBiH, Savjeta nacionalnih manjina RS, predstavnici međunarodnih organizacija, i predstavnici nevladinih organizacija koja se bave pitanjima nacionalnih manjina. Sastanak je održan u prostoriji Delegacije EU.

Zaključci sastanka nisu pokazali ništa novog u odnosu na postojeće stanje koje je prisutno u položaju pripadnika nacionalnih manjina u BiH. [VIŠE . . .](#)

POZIV OSOBAMA KOJE IMAJU ITALIJANSKO DRŽAVLJANSTVO ZA GLASANJE NA IZBORIMA 2013. GODINE



Obzirom da se približava datum izbora u Italiji, u aprilu 2013. godine, pozvani smo od strane Trentini nel monda da glasanje obavi što je moguće veći broj osoba sa italijanskim državljanstvom u BiH. Predstavnici Provincije Trento su kandidati na izborima za državni parlament, i izuzetno su zainteresirani da dobiju podršku iz Bosne i Hercegovine.

To bi svakako pomoglo svim stranama u daljem razvoju odnosa italijanskih zajednica Trentina u BiH, i uprave Provincije Trento. Provincija Trento, između ostalog, duži niz [VIŠE . . .](#)

Poziv Trentina nel mondo za natječaj za izbor simbola susreta Trentina

Trentina nel mondo poziva klubove širom svijeta da pripreme simbol - logo susreta Trentina. Rok za predaju loga je 30. april 2013.

Nagrade: I nagrada 600 EUR, II nagrada 300 EUR, III nagrada 150 EUR.

Dear friends,
Associazione Trentini nel mondo onlus, with the [VIŠE . . .](#)